



La Bibia, en liber che trepa jont lí ienn

La Bibia é en liber der emportant, plü emportant co düc i atri libri. Sön vigne plata – tal Vedl y tal Nö Testamont – pon odei tler, desche Chel Bel Dio è, te tan de situaziuns desvalies, atló por nos porsones: desch'al se deida superé ince de gran dificoltés, ch'al s'ó bun y se pardona, anfat tan de iadi ch'i fajun val damat o che i l'ofenun.

Trepa jont lí vigne de val fora dla Bibia y ciafa da era forza por sôa vita. Ci co é scrit tla Bibia n'é mai val de vedl y ne perd gnanca tal tomp d'aldedancô sôa emportanza.

Te trespes dljies pón odei pitöres co raprejenteia scenes fora dla Sacra Scritöra.

I t'aodi che te lii o te lasci entres endô lí dant val storia fora dla Bibia! Ensciö empareste da conesce Chel Bel Dio entres miú! Deache al é El co baia con nos tres la Bibia. Al se chir nos porsones y ô se fá ligri y encontonc.

Enformaziuns y termins

Jí en Jenn: al ven lascé alessi che la prozesciun de Jenn ne ven eniann nia tignida, mo ara ven sbürlada al 2022.

Zenter Families Mareo: ala fin de cösc mens vegnel organisé adöm a Bike School San Vigilio en bel curs por mituns dai 6 agn: ai emparará da jí desche al alda con la roda y lapró ince l'educaziun stradala. Les enformaziuns y les prenotaziuns (ince WhatsApp) al numer dla Bike School, ☎ 331 7429586. Le curs gnará tignit sce an arjunjará le numer min. de 15 partezipanc. Al foss bel ch'al garatass do döt cösc tomp olache i n'án plü podü fá nia con i mituns!

In questi mesi bui di pandemia sentiamo il Signore risorto che ci invita a ricominciare, a non perdere mai la speranza.

Papa Francesco, 06.04.2021

Döt le bun a:	Teresa Willeit Irsara, <i>Badia</i>	* 11.04.1941
	Maria Anna Ellecosta, <i>Trens</i>	* 12.04.1936
	Giovanni Pedevilla, <i>San Iere</i>	* 13.04.1938
	Tone Feichter	* 13.04.1938
	Elena Maria Daverda ved. Ellecosta	* 14.04.1937
	nosc Papa emerité Benedet XVI.	* 16.04.1927
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: **cina le dedemesaledema** sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org




Plata dla Ploania La Pli de Mareo Santa Maria dal Bun Consei

Ploian: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann B

11.04.2021 - Secunda domegna de Pasca

n. 20

La forza dla fede co müda le monn

 **St.Ap 4, 32–35 | 1 Jan 5, 1–6 | Jan 20, 19–31**

Dal Vangelo do San Jan:

[...] ²⁴Tomesc, nominé Didimus (jomelin), önn dai dodesc, n'ea nia pa d'ei, canche Gejú ea gnü. ²⁵I atri discepu ti á spo dit: I án odü le Signur. Al ti á respognü: Sc'i ne veighi nia les ferides dai agüs te söes mans y sc'i ne pó nia meter mio deit tal büsc dai agüs y mia man te so costá, ne creii nia. ²⁶Otedé do ea sù discepu endô abinés adöm, y Tomesc ea lapró. Danló é gnü Gejú – les portes ea slütes pro – é jü amesa ei ete y á dit: Pêsc a os! ²⁷Spo ti ál dit a Tomesc: Ten ca to deit – atló é mies mans! Ten ca tóa man y metela te mio costá, y no sté a ester descredont, mo credont! ²⁸Tomesc ti á respognü: Mio Signur y mio Dio! ²⁹Gejú ti á dit: Deache te m'as odü, creieste. Beac é chi co ne veiga nia y crei empó. ³⁰Ciamó trec d'atri segns, co n'é nia scric sô te cösc liber, él sté Gejú co á fat dan dai edli de sü discepu. ³¹Mo chisc é gnüs scric sô ch'i cherdeise che Crist é le Messia, le Fi de Dio, y ch'i eise, tres la fede, la vita te so ennom.

I ponsun do: *Ince nos messun gonot se confronté con osservaziuns cuntra la fede. Le Vangelo de "Tomesc co ne crei nia" se mostra co che l'apostul Tomesc va le tru dla fede y desche Gejú le deida sön cösc tru. Le Vangelo se renforza tla fede, ensciö ch'al sii ince por nos na profesciun de ligreza canch'i dijun: "Mio Signur y mio Dio!"*

I periun: *Bel Dio, tó dejider dal cör dles porsones, tó as cherdé to Fi dala mort ala vita y nos s'aste fat nasce tal Bato a speranza nea. Renforza nosta fede y fá ch'i sontiunse sôa forza co müda le monn. Por Crist, nosc Signur.*

Vesco Wilhelm Egger "Sonntagsbibel"



 **Letöres dla Terza domegna de Pasca:**

St.Ap 3, 12a.13–15.17–19 | 1 Jan 2, 1–5a | Lc 24, 35–48

